

運使復齊郭公言行錄

二行著於時而後可謂之真士大
夫今聞漕使復齋邵公鉉行錄
其行見於事聞於聲者於公內
由者蓋出仕江表小為守大為
牧為憲為漕凡立政立事愛士

大在父為孝在師為教在君為忠三者相成不可廢一此士大夫之全行也舍是何臣曰人行也者行也行其行而見於事以著其事而聞於聲二成文而詩歌三詩歌作而

上而稱忠於下者孝不可為之本也
觀易師侯先生寄述近倡和數篇
敬君嘉議致政慶壽一卷孝
敬之心油然而起將以稱父之名行
師之道以相遠大此志難與滔

愛民勸善懲惡興利除害著於
治功可以詠可以賀可以紀可以序
在官爭殫美既上極見思文人
才士卷軸知以應馬馱所能
效忠於

人生於三事之如一父事之師教之
君食之此國語之訓言也欲愛其所
生之身則莫若從師以學欲行其
所教之道則莫若從君而仕欲光
顯其所食之祿則莫若榮親為

者語敏行一錄亦孰有之人之愛
公固非諛非妄也九
山西有鬼
者年八十一其愛公也異乎人之
愛其言曰善頌不如若勉夫聞人
頌者心易自滿聞人勉者心必

若不足二則不已不已則可大
可久美公之能老於父則不如
歆夙興夜寐無忘所生之
章美公之能敬其師則不如歆
小心翼之古訓是之什念之

三品而局於一路一省豈足以盡
公大才廊廟之上樞機之間乃
可以展布平生之志使朝野
羨慕曰其其親也主之其其師
也教之事之若此生一死無慚異

時美公之詩必欲如淇奥之道
盛德至善民不能忘者是以見
所學願公勉之至順辛未孟
春之望長樂郡古候佚老
獨愚黃文仲謹序

敏行錄

敏之功大矣二帝三王
之為君九官伊傳周
召之為臣其功大矣而
憲錄於書書為萬世法

通論終篇汎言帝王
之道有功獨歸於敏
法古者法其敏而已敏
則有功也

通齋郭公敏行錄大

抵施於政者中庸敏
政盡人道者能之人
而盡其道敏於行之
積也敏行其體敏政
其用用著於錄合而

名之曰敏行體用一源
功効相感應功有古
今之殊原於敏一耳
敏在三德宜屬勇克
已復禮顏子之勇也

回豈不敏者邪

公以復名齊復之初

九顏子有焉

公其敏顏子之行敏唐

虞三代賢臣之政錄

將不止是而是以為
始也三山林興祖敬書

工食技傭食力士大夫食其言行
故無技者不能食以工與力者不
能食以傭士大夫思工與傭之必以
技以力而得食於人寧不思仕之所
以得食於君也自當何如可以素食否

乎經曰非先王之法言不敢言非
先王之德行不敢行此爲卿大夫言
也時有宗室達祿有宗卑而言
行不敢不勉方其言行未見知也
則仲尼食飴乘田要吏不以爲淹乃

其言曰信於上行見信於世則伊
尹周公相天子致太平分土而食不
以為泰與十方守口以待時豈不愈
於撐腸而吐口以留其身哉昔人有
言曰宰相須用讀書人謂其有言

行可為法無別於天下亦有口書
目書而心與書違者是猶穿窬
竊貨而不密窬經心藉工與僞肯為
是乎君子學而仕之而學言顧行
顧言以此念君之祿則和而安

淡而爽飲清冷如醇酎然素
人莫不飲食知味者鮮高車駟
馬滿天下而其言行可以興人之可
目者幾何是可嘆也已閩漕使古
汴復齋郭公讀書有言行人也

切而好學長而力行既貴猶學易
出入妻省二十年外歷守牧司憲
則以身爲律司漕則以義理財江
東西民數饑則隨地賑而活之有
疾疫則官逮醫療之漸有民田失

科糧者四萬斛石以夫役冒除糧
者十六萬石則挾隱懲欺而賦之
鹽課困民則請減額以甦之漕有
寃獄十七起悉更讞平反之四明
滯訟三百餘宗各鉤沉舉壓而

決之古康之三皇胡慶元之侯泮
那倉夢溪之浮梁閩中之古臺
塩倉高有關於政化闕必置弊必
修此特取其大者舉一以見百耳
若夫僚佐之間黎庶之上陰分陰

寸千常萬細非善言無以孚其情
非善行無以示其事數十年之事
業而銀見之十餘紙之文辭是猶
大桃蟠三千里而掇集枝葉
幾蘂乎今復齋公官躋三品力

捐瘡一石不類七十者堅清掛冠
將歸弱文所仕官司曰吾少壯驅
馳中外立官以餘積俸在官以勤營
生自買田八百餘畝上臣奉親下資
給三弟父嘗戒諸子曰田兄田也汝

擅三弟曰謹遵命遺文尚在令老
言乃大傷為兄者心願以已田立約為
義田以教養四房子孫希公文弱鄉
郡斯非可法之言可法之行歟孔子曰惟
孝友于兄弟是為政推其所以為於

為政乎何有或疑以工與傭喻士大
夫非其倫曰彼亦人耳言不言行不
行技之與力舍言行無以為也唯
貴賤大小則有殊使食於大家
作勞其口無定言而莫可與商行無

定跡而莫可以尋則皆不敢用而
為世之棄人小而賤者失其言行
則憂日無二升之食百錢之直貴而
大者失其言行則成敗禍福繫焉
以賤喻貴以小喻大可不明哉苟

食祿者言常思可對人語行常思
可使人知太平之治其庶幾乎
至順二年辛未上元日古候佚老
獨愚黃文仲謹序

言行錄錄

復齋郭公言行也

公自初為樞密史至今嘉

議大夫凡掾中外省為都

事者二為牧守者三檢校

中書無缺貲風紀兩職離運
而為貳今為止嘉言善
行炳炳人心章章冊讀
形諸歌詩刊諸金石今
為今言行錄誠為政之

範模檢心之繩尺也僕
閩人也

福星之臨照莫非言
行之光華澄源之剏欺
天之戒惻然之情見乎

家諭戶曉之餘所謂德
言而為群言之長也削冗
澁負百餘人於亭戶而
除其豫辦之擾於鹽徒
而止坐車以設之一家所謂

德行而為群行之宗也
若大孝之於父子學之
於師友義之於兄弟宗
族大本大原之可法天
師百世者則有言行全

錄在三山林興組謹書

運使復齋郭公言行錄

福州路儒學教授徐東述

公名郁字文卿汴之封丘人金末避
兵徙大名困家焉性姿穎悟六歲知
讀書日記數千言博通諸經子史學
易於武林侯先生深明旨奧故號復
齋詩文不尚華藻辭達而已居家盡
孝敬剛介獨立年十九江淮省以儒
雅辟兗江淮樞密院令史精明廉敏

賢勞幾二十年元貞元年掾河南省
貞吉河南王性齋右丞馬公每以才
幹稱之秩滿章薦爲本省幕官時中
書荅刺罕丞相甚器重之留掾都省
大德九年

勅授承務郎宣徽院都事十一年授承德郎
江浙省都事皇慶元年欽受

宣命奉議大夫知浮梁州延祐五年三月授
奉政大夫中書檢校八月丁父嘉議

府君憂始翰林復初元公號一世儒
宗少所許可惟與公莫逆嘗慕公之
先君子嘉議府君有隱德時相過從
輒拜牀下歿之日元公躬治喪事慰
賻銘祭情極慟至敬有餘也延祐七
年服除九月授中順大夫知高郵府
至治三年正月選授中憲大夫同知
兩浙都轉運鹽使司事泰定元年十
月憲臺

奏擢亞中大夫僉江西湖東道肅政廉訪司
事二年十月除亞中大夫慶元路總
管兼勸農事四年十月進授嘉議大
夫福建等處都轉運鹽使先大父千
戶府君追贈亞中大夫廣平路總管
輕車都尉太原郡侯祖母林氏太原
郡夫人父嘉議府君累贈至嘉議大
夫真定路總管上輕車都尉太原郡
侯母李夫人累贈至太原郡夫人

初掾都省時定水縣門料工者多虛計公
覈實用力省官費一千三百定

車駕行幸晉山茲人劉聚等冒支納鉢草料
丞相使公治之三日而伏罪乃白丞相
奏聞利病許置字哥孫分司印御史刷籍至
今便之復以晉山民饑疫死且盡請給
鈔三百定親於戶賑濟又以已俸市善
藥命醫療治活者三千餘人

除宣徽院都事任者本院歲買湯羊習弊

虛增羊價報數以是用鈔多得羊少公
以實價買實羊比上年羊以口計增三
千鈔以定計減三千

佐江浙省幕勤勞度績考覈出荒田失科
糧四萬餘石祖鈔一千餘定至大元年
濬吳松江役夫歲一名除糧十五石公
視其牘曰役不過二月三月耳而除周
歲之糧何也於是追理十六萬石以充
海運四月之衛帥府摘發軍一萬五百

期以九月以到都來使速之甚迫公曰
今士卒窘在道遷延非計之得姑聽
還家收蠶繕器甲至不失期何害至
則軍資精銳士馬肅給最諸省

上命賞賜有差初行至大錢法拘民間銅器公
建白大臣曰廣濟庫宿藏舊錢數百萬
既例許行用止拘廢銅足矣何必毀間
成器耶上下使之提督鑄造局裁制金
線收拾殘餘杯屑以補耗減仍銷鑄得

金三錠有奇田一造省堂宴飲之器其綜核事實便宜加此

知浮梁州首興學校改荊州學殿堂廊廡塑繪聖賢像設煥然一新括勘出隱漏田二百餘畝米三十餘石鈔一百餘緡不給則又捐已祿米以供諸生廩饍厚幣禮請明經老師三人廣弟子貢百餘每聽政退即教生分序誦說經書立賞試激昂後進

叔鄒魯之風矣公治民必先之德教後之政刑故民皆遷善遠罪觀感速化治效爲諸郡最他如賦役則驗實有戶而定上中下之則於是詭名規避者無所逃矣如稅糧則民田之飛走者覈以歸併官田之額重逃亡者折收輕贖於是徧負虛色之名無所容矣酒醋茶課之病民也則均輸之貢金人戶之易名也悉還元籍糧得其實賦得其平民咸便

之前此所未見也務農敦本開廢田植桑菓輒遺父老酒肉以助其喜此龔渤海賣劍買牛之教也毀民間龍舟以絕鬪傷之風因其板木改造州南浮橋百八十餘丈名曰濟衆此吾夫子務民義遠鬼神之訓也居五載州民德公之深

有昌江誦詠者百遺愛碣者三憲司舉

事備

五省

臺考績陞秩一級入檢校中

書丁父憂

起知高郵府凡六閱月耳墾田復者六萬餘畝逃民願還者千二百家

同知兩浙運鹽使司先時居民苦於鹽徒虛指之患至是犯者止坐其身不使刑及無辜始也建言減鹽額五萬以寬竈戶終也額外乃增至二萬二千四百又平反鹽徒一十七起由是私鹽屏息課程增羨

僉憲江西激揚務存大體巡歷諸路脩理

學校責成課講所至士風翕然吉贛南安饑公竭心賑濟活者數十萬人黜罷汚吏百餘南康舊無

三皇廟公曰繼天立極三聖一揆固不專於醫建學崇祀設博士弟子貢

國朝廣至仁也今南康之民不幸遘疾巫覡是求扎瘥天昏誰之過歟廼捐已俸爲吏民先聞者莫不感奮三月而成夏昃上命賑饑疫幽窮之民假息覲鑒迴生起死者

凡數千人於是知荆廟建學之德宏矣
慶元路總管下車之始脩學宮考課業而
誨生徒汰濫食以給貧病正賦役之籍
而權勢舶商漕夫有貲者無敢避決冤
滯之訟而三百餘事銜哀無訴者無或
遺廣倉庫之儲而上供錢帛之輸無敢
後公以長材敏識剴裁劇郡如轉丸流
水舉無凝滯簡書頓清幾致刑措流民
悉歸荒野盡闢賊盜不作年穀屢登一

郡之三代也至於查勘得諸項欺隱錢九百餘定散給站赤規畫息錢祇待使客而害不及民檢舉脩造哨船木物未給價鈔五百餘定盡數以與元輸官之民而民始無怨此二者尤可以例後來措置之方信而能勞民役而無殘民其利安有窮乎儒學歌頌之美耆舊去思之碑皆有石刻數千言徃徃未能盡紀也除福建鹽使時鹽法壞於公私之求亭民

不堪命久矣公曰水不清者澄其源乃
召僚屬而告之曰

國家置而屬所以去姦欺成歲賦厚祿養廉
當蚤夜深惟尸位素餐甚懼無以報效
况貧暴乎且亭民汗血煮海終歲勤勞
爾曹不之卹而反刻剝之是欺天也自
今宜滌乃心犯在不恕即日以不便事
宜條陳

省府削貨鹽催煎冗濫者百餘人請給

分司印信以革私鹽侵漁之弊先時每歲預辦下年課鹽及增餘之數官本不支惟威以限竈戶不任其苦賣妻鬻子者有之畏迫逃竄者有之公惻然曰不紓民力困虐是圖非徒無益也於是遣吏家諭戶曉悉除去預辦增餘帶耗之擾至今安之又鹽徒犯法輒延引平民動以百計囚繫歲月刑及無辜莫甚於此公洞察民隱止坐事發之家朝按其

罪狀得實暮即斷以法於是獄無冤滯
囹圄空虛南臺監倉歲入九萬引倉甚
褊小實可貯者二萬耳餘悉在船動涉
旬月往往陷於風濤耗於盜竊公私俱
病公以公廉蒞政素洽人心乃勸率鹽
商助木石樂從者如雨閩月廣倉屋五
十間不支官帑不勞民力父老咸嘉公
之德立石頌焉公以廉潔自勵其下化
之由是賦日以饒民日以紓雖古之循

良幾以加矣國子司業惠山馬公憲閩
之日有曰文卿風力肅清神氣開爽意
豁如也持已以廉待人以恕見義勇爲
不可干以私議論端確性理粹明尤深
於易詩書之旨氣象淵默渾然儒者數
歷中外善政美化所在有聲其德可知
矣

建安前進士張復奉題

言行錄後

閩漕使復齋古汴郭公爲童穉時已好學不倦及成人慨然有志事功當時名公鉅卿爭汲引之臺省聲猷日以大後守昌江秦郵課兩浙鹽佐江西憲牧四明遂入閩爲一道福星高潔剛明其德政洽於人心著於事蹟田父賈豎皆能道長樂郡文學徐古道採摭聞見倣近代名臣言行錄爲

公書之嗟夫自有生民以來未有如

皇元之大者也地大則生者衆生者衆則用人
多由中書省下至百司庶府外至天下郡
縣遠至屬國所置大小文武暨雜流以萬
計不知幾莫不食

君之祿資民之利以求富貴有能不欺天不欺
國不欺心不肯以身與草木俱腐斷斷然立
功立名於當世者數百中或一蓋流俗移
人惟以富貴爲功名而不知利濟天下謂

之功流芳後世謂之名旣無意有爲於茲則亦無事可書於茲爾三代而上遠莫得言三代而下自秦至於宋遼金凡二十代惟漢爲大雖不及今然嘗聞哀帝時自丞相至郡縣佐史凡用十三萬人如彼其多歷年四百如彼其久而書於列傳者如彼其少孔子曰才難乃爾甚耶今古道作是錄事皆有徵足信爲晉山飢民請粟病民散藥活者三千餘口又爲吉贛南安乏食

賑糴數十萬戶公之視民甚於己仁也脩
都城定水閘官省鈔千三百定民不知勞
市湯羊增常數三千口價比他省三千定
覈江浙失科民糧四萬餘石追松江夫役
冒除糧一十六萬石行使至大錢則建言
毋毀成器察浙鹽利病則請減常額公之
制事一一有方義也脩浮梁慶元泮宮以
期道化之效建南康三皇廟以廣

聖濟之心復謂漢儒惟董仲舒克傳心學朱子

之後真西山能弘道統宜在從祀陳請於
朝先崇善教而後可以淑惡道以正也

言建公

慶二年間節次欽奉

聖朝將宋之儒及許文正公增入從祀以明

道統之傳甚盛典也切詳孟子以來秦滅
經術漢尚黃老至武帝時有董仲舒獨能
尊信聖經發明春秋大經大法正誼不謀
利明道不計功及天人三策深得孔孟心
享之要先儒以為漢世儒者一人而已至
伊洛諸儒繼作晦庵朱子集厥大成一時
橫遭禁錮罕能傳習又得西山真文忠公
發揚推闡公論開明所著大享衍義一書
君德治道多所裨益讀諸記體用該博
曾齋深所尊敬以授享徒是二儒者時雖
不同其傳紹道統則一而已干今未入從
祀當我忝居憲佐僭為開陳如蒙轉聞

朝廷求錫善類同列從祀
其於民化誠非小補云

平反浙漕鹽冤十

有七起剖斷定海訟怨三百餘宗先清宿
弊而後可以行簡服以明也公之所爲必
可言所言必可覆初非欲人美我而爲之
爲所當爲而已矣彼聞人言美而不知勸
聞人言惡而不知耻者惟曰富與貴吾之
命不學無術正難責之滔滔皆是然後以
爲所當爲者爲難得美其言行不敢遺今
日之錄即異時之列傳耳復齋公讀書人

也言顧行行顧言爲此錄者豈不當哉夫
富貴輕於鴻毛言行重於太山每見文人
詞翰中多以汾陽期公是尚富貴也似與
公氣節殊林宗有道之士史紀其言行亦
得漢一列傳汾陽壽望百爵稱王官中令
史紀其言行亦不過唐一列傳公今官三
品年方耆指使心深道熟使遇汾陽之時
有汾陽之事真所優爲者也蓋謂公之言
行得於聖賢之學華州之郭武學未之聞

焉是錄也必纂纂有續筆以待他日之歐
宋云

福州路儒學陳御史臺狀

福州路儒學訓導梁奎黃源深陳文綱陳康
張英陳瓌等欽惟

聖朝定制選用人才從監察御史具才能政事
著明實跡呈臺附籍以備選擢要在於得真
實之才以求真實之效也然選人當觀平生
之言行舉人當審大節之始終不然則有名
無實先真後黷者徃徃有之切見嘉議大夫
福建等處都轉運鹽使郭郁英才間世偉器

遵群通經書而識見高明礪節操而表裏清白始由行樞密院行省掾史以至兩任省都事三任牧守一任風憲兩任鹽司數歷中外四十餘年所至綽有政聲並無一毫瑕玷其嘉言善行可以爲法其美教德政可以化民其剛廉嚴肅足以革貪穢其謀謨籌畧足以集事功德馨並秀於芝蘭材大實堪於梁棟可謂有真實之才有真實之效者似此大賢誠所罕見本路儒學教授徐東依朱文公撰

宋名臣言行錄例採輯翰林元學士袁學士
廉訪馬僉事所作碑記撮其切要爲郭公復
齋言行錄備載平生居官治民事跡至其著
明謹抄錄在前乞賜採擇特以

上聞宣付史館紀其勤勞以示爲人臣之法則
寵之清要以上裨

褒職之謀猷實非諛辭允諧公論

福州路儒學舉狀

福州路儒學者儒蔡潤老等二十餘名列狀
陳御史臺竊見嘉議大夫福建閩海道都鹽
轉運使郭郁敏悟過人聰明邁衆博通經史
抱負經綸守節嚴於雪霜持身苦於冰蘖始
任行省都省樞密院書佐凡所建明以治國
大體省減經費愛惜民力爲先可謂經綸之
才也至於出守浮梁守高郵守慶元其爲政
必以教化爲本興學校均賦役復逃移簡詞

訟去思有碑百詠有頌五事有績具見成效
又至於領浙西漕阜民有法裕國多方僉江
西憲正身按臨憲綱大振見任本道運使以
清苦礪薄俗以莊敬率同僚盡革積年之弊
政頗除屬吏之貪心不損民而課額增不困
民而私鹽息膏雨三年之內仁風八郡之中
自有運司以來真所未見已蒙本道廉訪司
察舉未見施行切緣本官敷歷中外四十餘
年觀其平生克已礪行終始勿渝如精金良

玉畧無疵瑕方今齒德俱尊精神亦壯其清
風峻節可以爲縉紳之儀表其大材偉器可
以爲廊廟之棟梁似此大賢久淹漕計駸尋
晚歲未愜輿情欲乞

上聞

省臺擢居重任實付民望

福建等處都轉運鹽使郭嘉議義田

牒文

嘗聞有曰天下難得者兄弟易得者田地又
曰正其義不謀其利與其專田地之利孰若
全兄弟之義與其私於子孫孰若公於宗族
古人念有及此義田之所以置也當職係大
名路錄事司附籍人戶見居汴梁路錄事司
在城崇仁坊昆仲四人長係郁次迪累任錢
穀次崖海道運糧百戶次仁安豐縣尹長育

教誨各已成立皆先父嘉議大夫太原郡侯
義方訓也先是父母既老兄弟未婚係予獨
力支立戶門仰事俯育義協于家至元三十
年間以時直伍伯貫置到安豐路下蔡縣西
鄉濁溝熟地捌佰餘畝四至具載契據可照
父有遺書諸子莫奪弟有義約實兄所資在
後歷任中外凡四十年餘無所蓄今切念之
曰凡我兄弟皆大人之遺體後有兒女皆郭
氏之子孫遂以前業立爲義田與我之兄弟

子孫共之歲有所入擇子孫之長而賢者主其計而時其出納焉婚嫁喪葬助有差祭祀蒸嘗禮有具歲終則總其出入聽宗長而會計之其有贏餘則修葺先塋增置田業庶可廣前規潤後嗣日有食歲有衣後之子孫必能繼述使百世之下永爲郭氏義田斯不負先人義方訓也除將置到地段備細數目收支則例另立仁義禮智字號文簿一樣四本付四房兄弟子孫永遠收照並不許分析苟

違此規以不孝義論恐後無以示其徵信牒
請借用本司印信關防文簿以憑遵守仍更
為行移所屬官司照驗施行